

Itan's Law

PANEG. et VITAE
Polon. Fol.
№. 873.

G

I

P

M E L O S
G R A T V L A T O R I V M.
Ad Solennem Diem D. PETRI,
PRINCIPIS APOSTOLORUM,

Perillustris, & Admodum Reuerendi Domini,

D. P E T R I
S T A N I S L A I
O R Ł O W S K I,


PROTONOTARII APOSTOLICI,
Præpositi Tarnouensis, Scholastici
Kielcensis, Curati Morauicensis,
Consistorij Cracouiensis Notarij Actuarij,
S. R. M. SECRETARII;

In argumentum obseruantia & Gratulatorij applausus,

A
M. T H O M A S E R T K O W I C Z,
PHILOSOPHIÆ DOCTORE & PROFESSORE,
Officioso cultu

D E D I C A T V M.

Anno Domini 1682. Die verò 29. Iunij.



CRACOVIAE, Typis VNIVERSITATIS.

In Stemma Gentilitium
Perillustris & Admodum Reuerendi Domini.



Quæ solis radios, & amici luminis ingens,
Pupillâ cernit non titubante iubar,
Hic volucrum regina suas extendere pennas
Cernitur, & claro Stemmâte digna nitet,
Cur tamen hæc volucris, capitis pro vertice summo,
Ætherei nitido fideris igne micat?
Nimirum sapiens vbi lux ORPOVIA fulget,
Non nisi Stella, Aquilæ debuit esse caput.

Stanislaus Petrus de Zakrzow Zakrzowski
Studiosus Scholæ Poëseos.



Perillustri & Admodum Reuerendo Domino ,

D. P E T R O

S T A N I S L A O

O R Ł O W S K I ,

PROTONOTARIO APOSTOLICO,

PRÆPOSITO TARNOVIENSI,

Scholastico Kielcensi, Curato Mo-

rauicensi, Consistorii Cracouiensis No-

tario Actuario,

S. R. M. S E C R E T A R I O ,

Domino & Patrono Amplissimo,

Auctor Perennitatem.



Laritudo præcellentium animorum, & summum in ij. ex virtute, & Sapientia decus, quamuis supra omnem ingenij humani captum emineat; mirum tamen est, quod tam facile in oculos spectantium incurrat: ut ab eius contemplando splendore etiam imbecilliores pupillæ nequeant contineri. Perillustri & Admodum Reuerende Domine. Sub cortina quippe latere, & perpetua nûbe abscondi nescit, quod vera luce corruscat; patiturque intuentium lumina in se defigi; cum non fulgur, quod perstringit, sed quod allicit, & serenat, dulce & placidum iubar sit. Nimirum eadem summorum virorum, quæ & solis natura, fontem luminis habet; non tantum propter Aquilarum tersissimas pupillas; sed propter hebetos quoque, & tenuitatis suæ conscias: æquæ Capitolia & montes Palatinos; prout & minima terrarum, vallesq; Terebinthi collustrans. Spectatissima hæc gloria tua lux, & nominis claritas, Perillustri & Admodum Reuerende Domine, incurrebat iam olim in oculos mentis meæ, trahebatq; dulci inuitamento in venerationem Tui animum hunc; qui nunc se Tibi cultu præcipuo submittit: sed non audebant verecunda palpebra eò audacius tolli; quò ferri, & tota in Te conuertere faciem, clarissimis nonnisi ingenijs licet. Ecce tandem sidus hoc suauissimum, quod

529

pro Gentilitia Aquila capite geris, induxit me sensim, amabili radiorum tractus claritudiniquè tua, in luce publica spectanda propius admouit; hac die præsertim auspiciatissima; quæ in capite Religionis & Principe Apostolorum Divo Petro Tutelari Tuo, lux fidei in Orbe Christiano triumphat. Quamquam enim non meis, sed selectissimis quibusquè euris, & vatibus dicendus, canendusquè sis; inuere tamen etiam conatus mei, ad hoc negotium, in quo aliquid de Te auderent; cum pro Te agentibus, maxima sit laus, & dignitas ex Te ipso. Tanta siquidem animi tui præstantia, tanta nominis celebritas, tanta apud omnes æstimatio, non eget alia panegyri; nisi quam Tu ipse meritis, & virtutibus Tuis, supra omnem facundiam efformasli. Ingenio Tuo nihil elegantius, suadâ Tuâ nihil cultius, Themide Tuâ, nihil prudentius, oraculis & responsis Tuis in lure utroquè nihil exactius, humanitate Tua nihil amabilius; adeo quidem ut Perillustres & Reuerendissimi Domini ANDRÆ GRABIANOWSKI, Canonici Cracouiensis, summi & incomparabilis viri, prout Sanguis, ita & magni animi Spiritus totus in Te effuluisse videatur. Inde virtuti Tue honor ubiquè acclinis, inde Regum ac Pontificum gratia, inde apud Te consiliorum promptuaria, iudiciorum Sacraia, inde perfugientibus ad Te, in omnibus arduis Insula Fortunata: & hæc omnia verè solidæquè gloriæ plena; cum Aquila Tua Gentilitia, supra PETRAM solidissimam, nidum suum posuerit; quando Tibi in Patrocinium cessit, Ecclesia Dei basis & fastigium PETRVS. Ad eius proinde solennia Carmen hoc a me Tibi dicatum, eo humanitatis sinu quæso suscipe, quod prona animorum in Te studia admittere soles: nequè metire ausus hos Pierios, ingenij mei mensurâ exigua; sed Tua sublimitate, & nominis gloriâ, quæ etiam inter minimos labores, sua magnitudine fertur, & secum alios velut Aquila Tua Gentilitia rapit. Utinam verò, volatus eius, ad summa omnia, sint quàm felicissimi, utinam ad sublime procedens, meritis & honoribus in Ecclesia Lei magnarum alarum Aquila fiat, sub cuius pennis si mihi quoq; Patrocinio, & gratiâ Tuâ frui licuerit; vota pro Te Superis nuncupare non desinam; cuius nomen Apostolicum geris, sit Tibi vitæ longæ, & gloriæ perennis, Petra & Columna.

Perillustres & Admodum Reuerendæ Dominationis Vestræ

deditissimus Client.

M. THOMAS SERTKOWICZ,
P. D. & P.



M E L O S

GRATVLATORIVM.

Mens arsit pridem, votisq; fidelibus icta
 Quæsiit, officium Suadæ, cantusq; sonoros;
 Perq; Tuum, Laudum pelagus, spatiosa vagari
 Expetijt: stabilem purâ spem fronte serenans
 Latior orsa loqui: subitus de pectore terror
 Excedat: mœrore genæ saluantur amaro
 Dicit: Tu quoniam cultu per motus honoris
 Prompta sat obsequij satagis protendere vela,
 Internosq; animi stimulos depromere cantu;
 ORPOVIANVS honos quo possit viuere Musis.
 Nunc optata refer porrecto carmina vultu,
 Hic Tibi iam propior ratio, se tollit, & aptat;
 Sacris dum resonat pulsus clamoribus æther,
 Mystica verba sonant, Cœlesti missa Senatu;
 Dum geminæ clauæ populo celebrantur ab omni,
 Per mentes hominum P E T R V S, qui clauæ triumphat
 Pindarico versu iam, vel laudatur Homeri.
 Latitiæ cum tanta nouæ feruere voluptas
 Incipit, ac hymnos cœlesti ferre triumpho
 Implicuisse manum iuuat his, & vindice metro
 Ambrosio cecinisse pium modulamen ab ore,
 Rumpere & ORPOVIÆ diuturna silentia laudis.
 Verba sonent, sensimq; melos memorabile surgat.

Ad laudes Vir magne Tuas dum Phœbus anhelat;
 Vix audet celebrare Tuum Venerabile nomen,
 Nomen victuris animis, Cedroq; notandum

Quod dici poscit cunctis per Carmina sæclis,
 Nempe Tuo salijt veniens de nomine torrens,
 Et orandi motu rumpit camposq; patentes,
 Thespiadumq; sacros fontes, cum maxima Virtus
 Lausq; Tui cordis Pindum, Cyrrhamq; fatiget;
 Non tamen ad Cytharam Te nostra silentia dulcem
 Arcano latuisse sinent conamine Phœbi.
 Quando tot ex meritis pulcherrima gloria surgens,
 Clara Tibi posuit summæ fastigia laudis.
 Namq; Tibi virtute pari, doctoq; labore
 Ingenium præstans, vis cum præcella dedisset
 Sanguinis, & magni genij; Tu Cracidos altæ
 Palladias turres, & mœnia cara togatis
 Intraisti, laurusq; Tibi consurgere doctas
 Cis frontem niueam fecisti. Sic Tibi cessit
 Clarus honos, Lechicæq; data est Tibi palma Mineruæ.
 Iamq; Aganippæos Craciz conscendere montes
 Veloci licuit pennâ prendisse cacumen;
 PETRE Tuas redimita comas Phœbea corona,
 Ornauit quando, celsis visenda Cathedris.
 Eloquium stupuere Tuum iam publica rostra,
 Dum Nestor, Cyneasq; simul pulcherrima rerum
 Dicere contendis, facunda laude triumphans;
 Quando THOMAS per Te Doctor Celsissimus Orbi
 Enituit, Cathedramq; Tuo splendore coruscam,
 In summa tenuit facie, Tu nectare dulci
 Ora animosq; tenens hominum sublimè rōnabas,
 Herculeisq; velut retinebas corda catenis.
 Inde Tibi plausus, animorum exinde triumphus,
 Nominis inde Tui pretium; dilectus vt esses
 Omnibus, & quâuis laudum dignissimus auge.

Sed Themis augustis laribus Te Diua poposcit,
 Et sublime Tibi juris donare tribunal
 In summo voluit. Tu legum maximus inde
 Arbitr, & Custos, doctis oracula votis
 Promis; dumq; animos flectis responsa ferendo,

Omnia

329

Omnia Iustitiæ Subselia rectè coronas:
Æacidas exhinc vincens, Minoes quoq; iustos
Pænè reluctantes animos componere dictis,
Atq; faces sævas odiorum extinguere: Tuq;
Casibus immensis, desperatisq; sepultos,
Litibus, impendens hominum momenta potentum
Iungere sciisti: veluti distantia Cælo.
Ingenij quæso quænam matura facultas?
Prætergressa Tui Consos, pectusq; refertum,
Nectareo torrente latex suauissimus oris
Profilit Herculeo demulcens pectora ritu:
Sapè Tuum excoctum quænam sententia staret
Ingenium docuit, Romanas quando Curules,
Consilio præstante facis succurrere pressis.
Sapè videre licet grauitè splendescere fella
Te Areopagica solo candore micante.
Gratantur cuncti secum subselia nacti
Magnates, & quos gremio dignantur honores
Excipiunt læti: dulces de pectore voces
Ingeminant nitido, Te expectatumq; salutant:
Nobiscum sensus, nobiscum fœdus amoris,
Nobiscumq; animis jungas commercia gratis.
Magnus OBORSCIACI Te pectoris, atq; Tiaræ,
Pontificum præcellus honos, dignatus amore,
Admouit calamo Themidis, fecitq; tot actis,
Centoculum Te Argum, maturum pondere sensus.
Dexteritas præsto est, cui semper rebus agendis
Ad subitos rerum casus, confusaq; nunquam.

Nec Cracio Te fama solo, nec in Orbe Polono,
Sola tot augmentis Te gratia plena secuta est;
Romuleis etiam fieres vt clarus in oris,
Atq; Vaticanæ Sedi Tua gloria nota,
Emeruit Virtus, pietas, sapientia, legum,
Iustitiæq; insignis amor. Sic censuit alta
Curia Romani juris, cum Diuus in Orbe
Sarmatico primas caperet jam Cantius aras

Grandē opus hoc dedit alma Tibi tum Roma notandum,
 Partibus in nostris, magni dum gloria CANTII:
 Surgit honoratis latē successibus, & se
 Infert Ausonijs terris; vt surgeret olim
 Altius, & sacros tandem prensaret honores
 Diuorum, quibus ecce Craci iam Regia gaudet.
 Hic labor æternus, certissima præmia gestis,
 Atq; Tibi nomen dabit, immortale per Orbem.

Quid dicam? Regum de Te quis sensus, & altæ
 Majestatis amor, Te quomodo fecerit inter
 Nomina clara Virum censerī; credita quando
 Sunt arcana Tibi, quæis Secretarius audis
 Regius, & Trabeæ nosti responsa potentis.
 Sic Aquilæ veluti latus pernicipibus alis
 Per Lechiam, Patriosq; lares, per Sacra Latini
 Culmina splendoris, per Regum maxima Sceptra,
 Pontificumq; animos, incedis plenus honore;
 Iamq; tot exedras imples, tot munera celsa,
 Tot juris responsa refers, grandi; labore
 Nomen & elogium Tibi non mortale mereris.

Quis fructus meritis? curarum gloria quanta?
 En referunt Mitram, capitiq; imponere digno
 Tarnouiam satagunt, bis sex quoq; templa regenda,
 Cælitus hic directus honos, Tua tecta subire
 Quæsiit, & Celsæ sedes Te Præposituræ.
 Expediit clarè lucere, hoc culmine lumen,
 Lumina non licuit tantæ suppressa lucernæ
 Vt Modio fierent, sed per fastigia rerum
 Hoc jubar effulsisse decet; quo gloria maior
 Numinis æterni; tanto de lumine surgat.
 Felices animæ, quibus hoc conceditur vti
 A superis: vitam vt nectant custode sub illō
 Qui promptus metam valeat vos ducere ad Almam.
 Felix Pastorem reperis TARNOVIA tantum,
 In quo virtutum præclara monilia cernis
 Felix ô popule à Tanto Pastore regende,

Namq;

Namq; ab eo sacer est, per pingua prata salutis,
 Te propter cibum, & deuotæ alimonia mentis.
 Ille Tibi speciem prisca formabit honoris,
 Ille dabit vitale decus, quantumq; dolebas
 Excubijs orbata Tuis, Pastoreq; longum
 Heu viduata Tuo, tantum Tibi gaudia surgent,
 Applaususq; Sacri; dum Te pulcherrimus ordo
 Ornatam Sponsam faciet, gemmisq; micantem.
 Hic mihi Thespiadum curæ, totisq; fatiscunt
 Plectrâ modis, carmenq; Tibi Vir Magne dicatum,
 Ad Tua succumbit victuræ encomia famæ
 Hucne oculos? huc ora feram? defixus ut Orbis
 Lechicus: ut pietas, sapientia, zelus, & ingens
 Religionis amor regnant, in pectore tanto;
 Dum Clerum sine labe pio, veneraris honore
 Affectu comis dulci, vis prodiga dextræ,
 Gratia corde fluit, tum animi clementia dulcis,
 Cætera virtutum grandi spectanda stupore,
 Angustis non se patiuntur claudere Metris;
 Ne tamen imbelli cythara tacuisse viderer
 Hæc cecini tenui modulamine; quando triumphat
 P E T R V S Apostolici celsissima gloria cœtus,
 Clauiger Ætheræ Sedis, fideiq; Columna:
 Hæc inter tanti Solennia Festa PATRONI
 Applausus Tibi ferre meos deuotio iussit
 Nominis atq; Tui veneratio; quam Tibi toto
 Pectore, Castalijsq; fero per carmina curis.

Ergo mihi donec fuerit mea vita superstes,
 Te cultu, Cytharâq; meâ, Sacrisq; Camœnis
 Non cessabo sequi; colere & modulamine Pindi
 Summis accensere Viris, vitamq; precari
 Annis quæ Pyliam possit superare senectam.
 Viue precor, seroq; homines, lucemq; relinque,
 Viue meris, nitidilq; micantia sæcla Pyropis.

C

Fama

Namq;

Fama Tuum nomen celebret, virtusq; feratur
 • Altius, & summa rerum consistat in auge;
 Perpetuumq; Tibi subscribant sæcula nomen.
 Totq; simul niteant Soles, quot Lumina Phœbi,
 Æthereo super Orbe micant, quot flauet aristis,
 Diua Ceres; pennis Aquilæ quot grandibus vrgent,
 Ceruleas nubes; radijs quot lumina figunt,
 In solis facie spectanda quando morantur;
 Sic Tua Te volucris, natalibus orta decoris,
 Inferat in Solis faciem, statuâtq; coruscum
 Te jubar, in Summa Virtutum luce nitere.



M
T
M
H
A
H
L
R
D
A
G
C
A
N
H
T
C
H
A
N
R
T
N
A
V
V
V

5. m.



